

Ինչպէս գիտէք, Հիւսիսային Կովկասի զբաւումից յետոյ բուլղեիկները սկսեցին զօրքեր կենտրոնացնել մասամբ Վրաստանի, բայց զլիւսւորապէս Ազրբէջանի սահմանների վրա. Ազրբէջանը կարծես ուշադրութիւն չէր դարձնում այդ երևոյթի վրա և իր ամբողջ ուժերը՝ բաղկացած 10,000 կանոնաւոր զօրքից և 10,000 կամաւորներից՝ ուղարկել էր Ղարաբաղ, որոնք և զբաղւած էին կոտորելով հայ խաղաղ ազգաբնակիւթիւնն ու աներելով քաղաքներ ու գիւղեր, առանց ուշադրութեան առնելու հիւսիսային սահմանների վրա երևացող ուժը:

Ապրիլ 27-ին Ազրբէջանեան 400 զինւորները նահանջում են Եւլամայից, և բուլղեիկները, թւով 6000 հոգի, զբաւում են Սաչմազը և զբահայատներով առաջանում մինչև Բալաշարի: Ապրիլ 28-ին կատարւում է յեղաշրջումը. տեղական բուլղեիկեան կազմակերպութեան ներկայացուցիչները վերջնազիր են տալիս կառավարութեան՝ իշխանութիւնը յանձնելու իրենց: Սորհրդարանն ընդունում է վերջնազիրը և իշխանութիւնը յանձնում ռազմա-յեղափոխական կոմիտէին:

Նախքան յեղաշրջումը, Հայաստանի կառավարութիւնը դաշնակից պետութեանց ներկայացուցիչներից ստացաւ հետևեալ նոտան (կարգում է), որից պարզ երևում է, թէ Ազրբէջանի նախկին վարիչները ինչպիսի փորձեր են արել արդարացնելու իրենց թուլութիւնը հիւսիսային սահմանների վրա:

Ապրիլ 28-ի գիշերը Հայաստանի զիւսանադիտական ներկայացուցիչ պաշտօնակատար Թումանեանը հետևեալ նոտը հաղորդեց մեզ Թիֆլիսից, ուղիղ հեռագրաթելով.

«Ազրբէջանի կառավարութիւնը տեղեկացրել է Անդրկովկասի դաշնակից ներկայացուցիչներին, որ բուլղեիկեան զօրքերը խախտել են իր սահմանները, և ցոյց է տւել խռովութիւնների վտանգը Բազում: Իբրև հետևանք Ազրբէջանեան կառավարութեան խնդրանքի, որ արդարացւում է հանգամանքներով, հրաւիրում ենք հայկական կառավարութեանը՝ տալ անյապաղ երաշխիքներ, որոնք թոյլ տային Ազրբէջանի կառավարութեան իր սպառնալիքի ենթակայ սահմանը փոխադրել այն զօրքերը, որոնք այժմ գտնւում են Ղարաբաղում և Հայաստանի սահմանակից ուրիշ վայրերում:

Կումս դը-Մարտէլ, գնդ. Գաբրա, կոմանդոր Լիւք»:

Կառավարութիւնը այդ նոտային պատասխանեց հետևեալ ձևով.

«Ի պատասխան ձեր ապր. 27-ի հեռազրի, որով հրաւիրում էիք տալ Ազրբէջանի կառավարութեան երաշխիքներ, որոնք թոյլ տան նրան իր զօրքերը Ղարաբաղից փոխադրել բուլղեիկների դէմ կուելու համար, հայկական կառավարութիւնը պատիւ ունի յայտարարելու հետևեալը. փետր. 20-ից սկսած հայկական կառավարութիւնը ձեր անւան ուղղած իր բազմաթիւ յայտադրերով մատնանչել է այն աղէտաւոր հետևանքները, որոնք առաջ պիտի դային Ազրբէջանեան կանոնաւոր զօրքերի և հրոսախմբերի կենտրոնացումով Ղարաբաղում, որ արւում էր Ղարաբաղը գէնքի ուժով վերջնականորէն զբաւելու նպատակով, հակառակ անցեալ տարւայ օդ. 22-ի համաձայնութեան: Հայկական կառավարութիւնը, որ միշտ ձգտում է խաղաղ կենակցութեան դրացի հանրապետութիւնների հետ, բազմիցս դիմել է Ազրբէջանի կառավարութեան և դաշնակիցների ներկայացուցիչներին՝ խնդրելով առաջն առնել Ղարաբաղի արիւնհեղութեան, որը վերածւեց հայերի զանգւածային կոտորածի Ազրբէջանի սահմաններում: Ո՛չ խաղաղարարութեամբ տոգորւած յաճախակի դիմումները, ո՛չ էլ, դժբախտաբար, դաշնակիցների կրկնակի նախագգուշացումները չկարողացան Ղարաբաղի